欽 定 全 唐

国家	平泉山居誠子孫記	元與子漁歌記	懷松樓記	重寫前盆州五長史真記	三聖記	丞相鄒平公新置資福院記	書	李德裕十三	欽定全唐文卷七百八目錄
									-
						ţ			

荀悅哀王商論	莫昭帝論	張梓 <b>疆</b> 論 三良論	 事 事 事 事 事 事 事 当 者 七 百 八 3 2 3 3 4 4 1 1 1 1 1 1 1 1 1 1 1 1 1
--------	------	----------------------	---

欽定							
欽定全唐文 卷七百八				宋齊論	羊祜畱賈充論	三國論	張禹論
日錄							

歌定全唐文 卷七百八 李德裕 鼓瑟效不可窮則不能稱是職也昔安豐侯實融徵還京 書記雖列於上宰之庭然本為從軍之職故楊雄稱軍旅 之際飛書馳機用枚舉非夫天機殊捷學源濟發含思而 續漢書百官志稱三公及大將軍皆有記室主上表章報 九流委翰揮毫而萬象駁奔如庖丁提刃為之滿志師文 欽定全唐文卷七百八 師光武問日所上表章誰與參之融曰皆從事班彪所為 李德裕十三 掌書記聽壁記

者吳少微富嘉謨王翰孫逃咸有制作存於是那其所 文章之盛冠於當代魏氏以陳琳阮瑀管記室自東漢以 後文才高名之士未有不由於是選其簡才之用亦金馬 公今河陽節度令狐公以人文掌宸翰國子司業鄭公給 斯職尋以才識英妙肅宗召拜監察御史厥後僕射高 知蓋閼如也暨太尉臨淮王總節制之師德裕叔父嘗與 朔 石渠之亞光河東精甲十萬提封千里半雜胡幹遥制邊 及實憲貴龍班固傳毅之徒皆置之戎幕以典文章憲耶 惟師旅之威容為列藩之儀表典兹羽檄代有英髦問

繼清塵於吾祖挹芬烈於前賢先是無廊之下 欽定全唐文一卷七百八一李德裕 統戎為始 其名氏而不書職業今再刊斯記於本署西垣以高平 記明主惜其忠規復拜舊職尋參內庭視草之列次用殿 夫威鳳之炳然非海晏則不至卿雲之 中侍御史崔君德裕獲接崔君之後文學空虛才術莫遠 丞相高平公始自樞衡以膚謀帥以右拾遺杜君為主 河南尹杜公以才華登貴仕繼斯獨者不亦盛數丙申 丞 相鄉平公新置資福院記 元和十四年四月十一日記 ·有豐碑

幽 害畜處澹以泉點英威赫而電斷奇權秘計皆中韶决之 一苞文武之道有清直之德良玉美潤徒蓄實於荆本喬士 出 餘慶為唐寶臣公天挺奇表角厚特秀居五嶽也稟太華 先僕射佩虎符而知足視蟬冕而蔑如由斯志矣先僕射 是以干木之退也高於干乘君曼容之仕也止於六百石 削成之狀方四時也得清秋爽朗之氣森子戟以耀題樂 璋而洞照蓋人之桀蚁憲宗皇帝以神武之姿墾除苗 故君子藏器抱蹼含忠颜德不遭遇其時則光名不思 深不呈材於廊廟知者所以嘆息也丞相鄒平公鍾是

次起在馬上一人等七丁一 李德裕 遵坦夷之路室邪枉之門不勤人以務遠恥竭澤以言利 房之瀘則煩碎而亂理聽嗇夫之辨則提給而傷化由是 咎即其時而相說君臣之遇古無傷也公之為政貞以制 夷盪齊窓四罪成服八表晏然雖則武力之拘原亦由謀 東宫含春般歔欷前席付以大柄公乃請偃武論道與天 臣之決策洎今上之宅憂也寂龍未襲嚮明未位召公於 動平以稱物其志在於識相體宏簡易而已當以為用京 麥宸算者惟公與二三髦士揣摩潤色緊公稱首既平淮 下休息上若涉水而得舟檝馭馬而有街轡始拜言以命

思於經籍未馳騖於文章游焉息焉必在於是及鍾家 寄寫仲長樹果終見於繁蔚公年繼佩鶴志拾青紫方軍 金 贈典先僕射自珥貂而升左揆先夫人由趙 聖者稱公為良相焉公之趨丹凡侍紫垣名冠近臣龍加 乃入為官暨韋太尉鎮是那也公釋褐從事在賓幄之 矧夫洞虚明之境應必以誠端不言之蹊孰不歸我故奉 金ケとたろしまってい 茲抗戎旌佩相印曾未一 典昌樂二部盆部之內有林居 印石郭當代榮之建中初先僕射以柱下史參梓潼軍 紀繼為三公下車逾月訪 塵庾氏誅茅始傷 郡而敬大 國

とことになる 一人からう 舊館邵伯之樹未翦武侯之盧猶在于公邑里遂見高車 龍驤門問竟容長戟公瞻構灑泣循陔水思以為徵壞壁 孝思永代作則豈止何充之宅獨入檀那將與文公之堂 鎔 彼 滅 者夫子之居尚毀固朽宅者如來之乘斯遠孰若歸於淨 近線 環以香林乃購之於官以為精舍又以桑門之上首者 金作繪髣髴諸天況平蜀山葱猜下臨於雉柴錦 人居之所以證迷途而資風植也殿堂層立軒房四 於郊 和音者不惟於寂慮聞異香者自入於禪薰公之 坰紅樹倚檻青慕傍砌海雞乍來靈草長秀 李德裕 3 江 明

**贊皇縣開國男食邑三百戸賜紫金魚袋李德裕撰** 金女全屋文一巻八百八 焉長慶二年十月二十三日朝議大夫御史中丞上柱 授簡之思且當典編結獲備官聚報德不讓懼斯文之 自 俱為不朽某競馬孤生流落於代辱公感舊遂不見遺爰 元都大洞三道弟子正議大夫使持節潤州諸軍事守潤 有唐寶懸二年歲次两午八月两申朔十五日庚戌五清 倫者歸公之盛德不陪密坐驟變寒暑迂懸榻之念忝 内庭升台司居視草之列二三年間位階先達由是議 聖記 關 國

長史非今賓佐也 代稱絕筆余嘗於數公子孫之家獲節度職不帶尹則帶代稱絕筆余嘗於數公子孫之家獲益州草堂寺里去院花亭三里 列畫前長史一十四人 欽定全唐文卷七百八 見圖狀乃知草堂續事靡不造真者昔嚴野旁求徒聞審 觀南敬造老君殿院及造老君孔子尹真人象三軀皆按 為九廟聖主次為七代先靈下為一切含識於茅山崇元 柱國費皇縣開國男食邑三百戸賜紫金魚袋李德裕 史籍遺文庶垂不朽謹記 州刺史兼御史大夫充浙西道都團練觀察處置等使上 重寫前益州五長史真記 李德裕 五

其事詔諸來哲太和四年閏十二月十八日西川剣南 取意在斯子 關既新光靈可想像若對神吾將與歸因叙 得在畫像之列卓子康德行君子而在功臣之右今之所 存入虛室而烟霞暫披拂浮埃而瑶林斯觀余以精舍甚 古親像將傾乃選其功德尤盛者五人模於聽之廳所追 像嵇山高逃惟止鎔金孰若記之丹青妙盡神照楚國祠 廟會王宫室泊此邦文翁舊館皆圖悉代卿相粲然可觀 有慕於前良曾莫究於形似豈與夫年代已遠遺像猶 一漢臺閣皆有圖寫黃霸于定國之流雖宰相名臣不

欽定全唐文 卷七百八 李德裕 者五數十年間零落將盡今所存者惟三川守李公而已 懷松思解組也元和庚子歲子獲在內庭同僚九人丞弼 都尹御史大夫贊皇縣開國伯李德裕記 海路公吏部沈公左承庾公舍人李公 泊太和巴丑歲已殁者西川杜公武昌元公中書幸公鎮泊太和巴丑歲 稅駕遠有黃犬之悲向之樂華可以悽愴况余憂傷所侵 復接舊老同升台階或總獎止與已協白雞之夢或未聞 度副大使知節度事銀青光禄大夫檢校兵部尚書兼成 **痰繭多病常驚北叟之福豈忘東山之歸此地舊隱曲** 懷松樓記

德裕頃在內庭伏觀憲宗皇帝寫真求訪元真子漁歌嘆 盡庾公不淺之意寫仲宣極望之心貼於後賢斯乃無愧 樹雕事前有大辛夷延清輝於月觀勘愛景於寒樂是想 **育遊皆有殊致周視原野永懷松拳肇此佳名且符風尚** 不能致余世與元真子有舊早聞其名又感明主賞異愛 两辰歲两辰月銀青光禄大夫守滁州刺史李德裕記 去危堞敞為虚樓剪榛木而始見前山除密條而近對嘉 傍施坍蜺竹樹陰合簷檻畫昏宣雀所依凉殿罕至余盡 元與子漁歌記

賢而名隱塢夷智而功高未若元真隱而名彰顯而無事 詑 年甲寅歲夏四月辛未日潤州刺史兼御史大夫李德 見思如此每夢想遺跡今乃獲之如遇良實於戲漁 窮不達其嚴光之比數處二子之間誠有裕矣長慶 會指探馬穴歷楚澤登巫山遊沅湘望衡幡先公每 始平泉追先志也吾随侍先太師忠懿公在外十 清跳意有所感必要然退想屬目伊川當賦詩日龍門 平泉山居誠子孫 記 次上 与心 次c 維

欽定全唐文<<br />
卷七百八 微岑尚有薇蕨山陽舊徑唯餘竹木吾乃翦荆棘驅狐 南岳盡伊原草樹人烟目所存正是北州梨棗熟夢魂秋 退者貴不失時古來賢達多有遺恨至於元祖潛身於 始立班生之宅漸成應叟之地又得江南珍木奇石列於 門之西得喬處士故居天寶末避地遠遊歲為荒榛首 庭際平生素懷於此足矣吾嘗以為出處者貴得其道進 到郊園吾心感是詩有退居伊洛之志前守金陵於龍 柳惠養德於士師漢代那曼容官不過六百石終無辱

遠名勢又其次也矧如吾者於葵無衛足之智處鴈有不 其次馬范雎感蔡澤 泉者非吾子孫也以平泉一樹 鳴之患雖有泉石杳無歸期畱此林居貽厥後代鬻吾平 欽定全唐文 卷七百八 吾百年後為權勢所奪則以先人所命这而告之此吾志 也詩曰維桑與梓必恭敬止言其父所植也昔周人之思 巴焉可也 召伯愛其所憩之樹近代薛令君於禁省中見先君所據 之石必泫然流涕汝曹可不慕之唯岸爲谷谷爲陵然後 一言超然高謝鄧馬見功臣多敗委 李德裕 一石與人者非佳子弟也

草性之所耽或致自同人或得於樵客始則盈尺今已豐 **陵之珠柏樂荆杜鵑節山之山桃側柏南燭宜春之** 之青神鳳集鍾山之月桂青殿楊梅曲房之山桂温樹 山之海棠雅橹剡溪之紅桂厚樸海嶠之香檉木蘭天 記所出山澤庶資博聞木之奇者有天台之金松琪樹 尋因感學詩者多識草木之名為騷者必盡蔣荃之美乃 所尚必有意焉余二十年間三中吳門一 余嘗覽想石泉公家藏藏書目有園庭草木疏則知先哲 平泉山居草木記 涖淮服嘉樹 E

紫桂簇蝶天台之海石楠桂林之俱船衛台衛八公之怪 茶宛陵之紫丁香會稽之百葉木芙蓉百葉薔薇永嘉之 重臺蓮芙蓉湖之白蓮茅山東溪之芳蔣復有日觀震澤 欽定全唐文 人卷七百八 李德裕 之石列於佛榻之前是歲又得鍾陵之同心木芙蓉剡中 松菊之猶存爰列嘉名書之於石已未歲又得番禺之山 有今並不載豈若潘賦問居稱郁棣之藻麗陶歸衡宇喜 巫嶺羅浮桂水嚴湍廬阜漏澤之石在焉其伊洛名園所 紅豆山樱藍田之栗梨龍柏其水物之美者荷有蘋洲 石巫山嚴湍琅邪臺之水石布於清渠之側仙人跡鹿跡 九

所 荆 賦之禄是也諫而不從不食其祿可矣至于聞淑媛之 黃槿東陽之牡桂紫石楠九華山藥樹天藝青 真紅桂嵇山之四時杜鵑相思紫苑貞桐山若重臺 **報強被蘇斯可謂不智矣夫被蘇者元氣之所發生** 聖人之清者盖以取其節而激貪也所謂周粟者周孟子稱伯夷盖以取其節而激貪也所謂周粟者周 夷齊不食周粟餓于首陽之下仲尼稱其仁孟軻美其 紅筆密家勾栗木其草藥又得山薑碧百合 子朱衫龍骨第二庚申歲復得宜春之筆樹楠稚子 / / ニーラー 夷齊論 極黄 VZ

時 欽定全唐文、卷七百八 秦穆之殺三良詩人刺之矣春秋機之矣今不復議惟 秦之酷避秦之禍豈止潔其身而已然飧紫芝以爲糧 至不義其兄之禄潔則潔矣仁豈然哉厥後商洛四友畏 清泉以為凝終老南山以養其壽斯可謂仁智樂矣 未當理然夷齊之行實誤後人於陵仲子慕夷齊者也 良許之以死而前代無機何也且臣道莫顯於咎繇孝友 以栗者周人之播殖則夷齊得非周人乎以覆其道盡 之所順成日月之所燭風雨之所育周焉得而有之 三良論 李德裕

存亡惟紀信乘黃屋以許赴赴丹焰而存漢數千年間 殺身成仁代有髦傑莫不顯一身之義烈未有繁一 **站不可為也豈得以生同樂樂歿共埃塵以為忠乎晏平** 仲言君為社稷死則死之斯言得之矣自周漢迄于巨唐 所謂殉仁義也可與梁邱據安陵君同畿矣焉得謂之百 武二王三良詎可許之死乎如三良者所謂殉樂樂也非 莫盛於周公咎繇尚不殉於舜禹二后周公尚不殉於文 夫特哉昔荀息許晉獻一 而已漢祚四百餘此而與余謂漢祖建封紀氏宜在 言繼之以死君子稍嘆斯言之 國之

情奇之可也若以為反道合權以安社稷不其悖哉授兵 揚子美辟疆之覺陳平非也若以童子膚敏善揣吕氏之 欽定全害文 巻七百八 李德裕 **産禄幾危劉氏皆因辟疆敬之向使畱侯尚存必執戈逐** 之將為戮矣觀高祖遺言吕后制其大事可謂謀無遺策 矣以王陵有廷諍之節置以為相謂周勃堪寄託之任令 本兵柄光外有齊楚淮南磐石之固內有朱虛東牟肺 親是時產禄皆匹夫耳吕后雖心不在哀將相何至危 一報德未稱良可悲也 張 碎疆論

竖乎與其圖之于難豈若制之于易由是而言平勃用 窘矣周勃雖入北軍尚不敢公言誅諸吕豈不艱哉頼産 劉氏之業必歸吕宗及吕后之沒劫勵商以給吕禄計亦 懼必當憂傷不食自促其壽豈能為將相之害哉高祖 以安太子所謂必仗義居正由此知不尚權譎明矣 禄皆徒隸之人非英傑之士倘才出于世豈受其給說哉 稱制八年産禄之封殖固矣若平勃二人溘先朝露 劉氏而王者天下共擊之此慮屬吕宗矣何可背之嚴 之計斯為謬矣畱侯破産以報韓結客以狙秦招四皓

傷論此言足以感文帝聰明傷仁厚之政俾其有薄宗臣 袁盎對文帝日絳侯所謂功臣非社稷臣夫社稷臣者 劉氏安危未可知也益日諸吕用事擅相王然磨而不磷禄絳侯若不與之同心而制其兵柄必由此而階亂矣則 之意竟使周勃大功皆棄非罪見疑可為長歎息也當日 欽定全唐文 卷七百八 本德裕 后之世惠帝已殂少帝非劉氏陳平用群疆之計權王産 在與在主亡與亡益見勃自德其功有以激之也非至 湟而不緇未嘗不心存社稷志在劉氏外雖順遜內守忠 袁盎以周勃為功臣論 土 理

堂陛之峻高者難攀卑者易凌文帝感悟養臣下有節 害錯之罪虐貫于神明安陵之禍知天道不昧矣 有正慎夫人席塞梁王求嗣此二事守正不撓忠於所奉 以見賢人用心致君精識若袁公者難與並為仁矣益惟 謂陷之死地而後生之徒有救焚之力且非曲突之義 得不謂之社稷臣乎其後絳侯繁請室盗雖明其無罪 子稱盗忠不足而談有餘斯言當矣善哉賈生之說喻 君之德莫大於至明明以照好則百邪不能蔽矣漢昭 漢昭帝論

成 學亡術未稱其德然輕徭薄賦與人休息匈奴和親百姓 帝信讒誅晁錯兵解遂戮三公所謂執狐疑之心來讒賊 Cこか」 「一下」 字徳裕 充實議鹽鐵而罷榷酤亦任忠臣之效也幾弱冠而 之口使昭帝得伊吕之佐則成康不足侔矣情哉霍光不 布使酒難近罷歸股肱郡疑買生擅權紛亂欲疏賢士景 之詩作矣漢高聞陳平去魏肯楚欲拾腹心臣漢文惑季 敢有踏毀者坐之周成王有慙德矣高祖文景俱不如也 帝是也年十四而知燕王書許後有踏霍光者上 王聞管蔡流言觀召公不悅遂使周公狼跋而東鴟鴞 一輒怒曰 **雅功** 

剛 帷 德未盡良可痛矣 多気を見文一光十下 衰焉余以班固之言未盡其癖 謂也故權衡獨運四時不成粹也者不雜之謂也故 幄之中進退天下之士史臣贊曰優游不斷漢宣之業 元帝習武帝游宴後庭又性好音樂與宏恭 消散陰陽不謬若運動不在於權軸 而健則三光不昏體粹而精則四氣不亂剛也者不息 不斷也夫帝王者天也天以剛健為氣粹精為體 漢元帝論 一作蓋儒而一 作 不才權移 글 顯 圖

次定全由文 人卷七百八 李德裕 說不行人與其聰明哉豈幽厲之君上下盡邪讒言相蔽 至昇平而古典未備制度多關武帝內修文學外耀武威 天視自我民視天聽自我民聽豈堯舜之時上下皆公說 荀悅論畧曰高帝天下初定庶事草創文帝躬行元點遂 悟天下安得危亡之君元帝蓋自以恭顧為賢而任之下 人不與其聰明哉元帝自稱淫亂之君各賢其臣令皆覺 大治蕩蕩上帝復何為哉書曰天聰明自我民聰明又 荀悅論高祖武宣論 万

思 在 始 相 流 血 以 儒 而 廢 于宣帝當先帝之世石顯豈能際其大業哉則知惡 稱詩 祈 其旨以為專用儒術莫盛于此班固荀悅皆文雅之 51 元帝好儒徵用儒生故以兹為美而深罪石顯痛 不盡其術不克其終宣帝任法審刑綜覈名實而不 顯矣蕭望之周堪皆廊廟之器有師傅之恩石 班 而不 理 化不成歷數三代以及元帝曰崇尚儒業從諫 人投界新虎族之甚也異乎余之所聞也任恭 固質實禮故老優游亮直又曰貢薛幸匡迭為幸 用 朋龍上 害遂致於理其後 劉向廢錮張 顯所 猛 الكار 泣 用

殺豈得謂之優游亮直乎買捐之京房雖不終其身亦皆 哀凌替幾三世而王莽篡奪宣帝稱亂吾家者太子也知 昔桀紂殺一龍逢比干而天下之惡歸焉桀紂以拒諫 從容守位未嘗犯顏干色矣所以得乘時而進久安其位 護 殺其悖已甚元帝以信總而殺抑又甚焉王業既衰至成 英特傷才道術奇士于元帝可謂忠矣亦因譖而死惑于 子莫若父信哉是言 頁薛雖能忠諫諫止於諷諭恭儉未曾禦姦觸邪矣章 邪則不斷疑於髦俊則用法亦不得謂之優游亮直矣

微而匹夫無所容焉豈不哀哉余三復斯論潜然出涕 歎蘧瑗卷而懷之則聖人遵養時晦可謂至矣以仲尼之 尼聖人也猶美顏子之行藏與我同志稱甯武愚不可及 欽定全唐文 卷七百八 尼之智足以避匡人之辱以仲尼之道足以容魯哀之世 悅論曰夫獨智不用於世獨行不蓄於時昔人所以自 指不得自免是以離世深藏又曰以六合之大一身之 足以塞叔孫之毁以仲尼之仁足以免陳蔡之因以 逼迫多懼殆于危亡由是思之無非命也況王商者哉 荀悅哀王商論 李德裕

世人皆以貌寢質薄為數奇敦厚碩大為多福樂昌威重 之國之衰也忠賢先去故管仲知隰朋不久而齊國亂 龍虎不能免于患及命之泰也蛭蟥皆得保其生余又聞 欽定全唐文 卷七百八 李德裕 君子曰秦繆之不爲盟主也宜哉棄善人之謂也 變令祝宗祈死而晉主憂伍胥戮而夫差亡汲黯出而 夫社稷之計安危之機人君不能獨斷者必資于所敬 安恃徒歎新都之奪孰救樂昌之禍昔秦繆以三良為殉 真漢相容貌懾單于而遊愍於時遇幾而殞豈命之否也 張禹論 注

能尊昭王去穰侯開奏前業之基以安固後嗣可訓忠于 之匹夫也入虎狼之秦履不測之險可謂交疏義薄矣而 臣然臣有忠邪時有險易交有淺深義有厚薄范睢 親其文非策之得也漢文帝誅薄昭斷則明矣于義則未 於能斷耳然親戚之際恩義之重斷之于已不可也張敞 安也周宣錢申伯有孔碩之詩秦康送文公與如存之 昭王矣夫能獨斷者英主也古人言謀之欲多而斷之 獨蓋為此矣天有震雷之怒龍有遊鱗之恨所以人君在 謂明詔以恩不聽羣臣以義固爭而後許而令明詔

鑒戒 年老子弱與曲陽有隙乃言新學小生亂道誤人宜無 次定全害文 巻七百八 用帝雅信愛禹由此不疑王氏致漢室之亡成王莽之 况太后尚存唯一弟薄昭而斷之不疑非所以慰母氏之 言當矣後代有類于此者其臣可以范雎為師表張禹 心也漢成帝車駕至張禹第辟左右親問禹以天變禹以 于宋妖不甚于禹矣朱雲欲以上方斬馬劍斷佞臣頭 因禹而發可謂漢之賊也國之妖也雖蛇勵于鄭為 三國論 李德裕 丰

薄察其政柄所歸則亡之先後可知也蜀政在于黃皓皓 魏蜀吳三分天下而亡有先後非形勢有輕重積累有厚 失其柄也如神龍之脫深泉震雷之無烟氣威靈旣露 七也孫皓雖驕奢極欲殘虐用刑而自專生殺之柄 帷墙之制運盡天亡而後夷滅由是而知人君不可一日 之重須服天下之心未立大功亦不敢取所以蜀滅而魏 王巴降惟守空宫亡之淹速繁于師昭之志將移神器 人也內不能修武侯之舊典外不能制姜維之黷武紀 日壞君子不服所以先亡也魏自明帝之後政歸仲達 ار 欽定全唐文 卷七百八 李德裕 **克亦非忠于君者自以成濟之事與晉室當同休戚此羊** 勸晉武令西鎮長安惟羊枯密表習之枯豈悅買充者哉 將相大臣非魏之舊臣即其子孫所寄心腹惟賈充而已 任愷與尹與為河南尹名犯廟韓以買充邪僻欲其敢遠 之言所謂柄者威福是也豈可假于臣下哉後代觀三國 得制之蔣濟觀魏文帝與夏侯尚詔曰作福作威為亡國 良以愛君體國發于至誠耳晉氏便奪魏國初有天下其 之事可不戒懼哉 羊祐畱賈充論

愛如意思其久安之計至于悲歌不樂豈不知除去吕后 世翼戴其君者得不念于此哉 **垢實以惠帝闍弱必不能自攬權綱其將相皆平生故人** 革大運降有解網以悅眾心仁義之風薄骨肉之情廢前 必無後禍況吕后年長有過稀復進見漢高棄之如去塵 朱齊以降繼體承祧者君德寢微王道凌替續緒之初 俱起豐沛非吕后剛强不能臨制所以存之為社稷也後 所以願語也昔漢高不去吕后亦近于此漢高嬖威姬 宋齊論

**散毀泉臺春秋之所機先儒之所惡宋齊之君有一于此** 罪人不可甚矣天下之惡一也古人言一心可以事百君 飲定全唐文 卷七百八 李德裕 琴瑟之不調者更張此亦天之道也豈獨人事哉惟用其 參事惠帝守蕭何之法魏文帝初受漢禪羣臣皆贊魏 若此雖時移政改莫非舊臣昔伯益費禹稱大舜之德曹 必為美政泉臺見妖尚不可毀況無妖者乎燕人之思召 百心不可以事一 伯甘棠勿翦楚人之懷叔子望碑墮淚彼人臣也而見思 )詳矣然政未得中改之可也如弓之高下者抑 君豈有不忠於前朝而能忠于後王者 芜

	臣者罔念於
	臣者罔念於此可謂有百心公
	大下心珍當與山陽
	兴山陽共之為

欽定全唐文卷七百九	王言論	慎獨論	管仲害霸論	忠諫論	臣子論	陰德論	<b>善</b> <b>善</b> <b>音</b> <b>E</b> <b>m</b>	李德裕十四 .	欽定全唐文卷七百九目錄
目錄									

文章論	伐國論	謀議論	賓客論	天性論	臣友論	英傑論	豪俠論	退身論
			-		7			

		ing and the second second			and the second second			
欽定全唐文《卷七百九	方士論	奇才論	近倖論	食貨論	虚名論	朋黨論	人物志論	任臣論
- 二								
			general Walson squ					

.

次定全事之 一卷七百七 先王之道不忍見後王之面其不去者焉得免骨靡之恨 區區楚國體酒不設穆生先去且穆生豈為已也蓋傷 惠帝者其蕭曹平曹參尚不易蕭何之規光高祖之道昔 改先王之道則去之以事堯之心事舜禹者其皋陶益稷 平以事武王之心事成王者其周召乎以事漢高之心事 或問先王論道之臣事後王平日不改先王之道則事之 欽定全唐文卷七百九 李德裕十四 舊臣論 李德裕

乃絕國絕三十二歲復續而張湯杜周子孫世有令名 金ダム月ンノラーアン 地 間 間無神 戒理當然矣而丙丞相絕及子顯點為關內侯至孫 平稱吾多陰謀道家之所禁吾世即廢亦已矣不能 者騎撫先王之道以諱舊過改張先王之道以娟 先王之故老以掩其羞用 魏晉以降居相位者皆靦面愧心而已又有攘臂於其 以吾多陰過也至曾孫何國絕班生著陳平之言以 陰德 明則已倘有神明思得而誅之矣 諭 先王之 罪人 以協其志若 新 復 君

無親戚之情而係養曾孫仁心惻隱置于閒 以忠貞之故不敢負獻公程嬰以託孤之義不忍欺趙 次定全書文 &七百九 李徳裕 以及子孫是宜篤生賢人世濟其美古所謂有後者良其深厚不伐古所未有夏侯勝以為有陰德者必享其 也又奏記霍光決定大策既而顯徵鄉之美削士 以繼之以死終不食言丙丞相於史皇孫微君臣之 位其故何哉丙丞 柜天子之使因是全四海之命 傳爵邑而已哉張杜有後者豈 於漢宣之德可謂至矣晉荀 下郡湖源 燥給以 繋稱

鄞 所急也何者非好功業不能以戡亂非好名節不能以 士之有志氣而思富貴者必能建功業有志氣而 所治者或能去天下之惡除生人之害所以然也 能急公理煩遭 者理亂皆可以大任平災和雅世所謂君子者居平 此其梗機也好功業者當理平之世或能思亂唯重 必能立名節二者雖其志不同然時危世亂皆人 臣子論 廟瑚璉園林鴻鵠雖不常為人用 2難亦不 能捐驅濟危可以羽儀朝 而自然 輕 君 鸽 廷

得進漢高曰若子可謂不肯本矣其後竟誅諸吕以安劉 陳平肯楚歸漢漢王疑其多心令護諸將又疑其受金 11. 1 ) ( 12. 1 ) Walla ( 1 ) 1 - 17 近日宰相上官儀詩多浮艷時人稱為上官體實為正 所病及高宗之初竟以謀廢武后心存王室至于宗 不能以名節自固矣及功成封侯解曰非魏無知臣安 劉原 郭代公倜儻不羈之士也少不以名節自檢當蕭 保護皆宗雖履危機竟全臣節則名節之間不 之注 也陳平能 也謂 Ξ 不肯魏 然世亦有不拘小疵而能全大節者 無知 李德裕 所以必不預漢王矣今 --可

安齊桓非易牙食不美必不能去之亦不欲人諫已人臣 敏定全唐文 光七百九 高後世不顧身危國傾者其解計若考叔敬大隧以成 諫已則惡不可掩故不欲人之諫已如晉獻非驪姬寝 靈之君未能忘名自知為惡多矣畏天下之人知之將 忠諫亦有二欲道行於君可使身安國理者其辭婉欲名 之背本者人君豈可保之哉 公之孝倉唐獻犬鴈以復文侯之愛畱侯封雍齒以安 君拒諫有二一日生於愛名二日不能去欲雖禁針 忠諫論

德當乘與諫曰臣自刎頸以血污車輪則陛下不入廟 馬令言帝欲不諱 ( ) ) ( ) ( ) ( ) ( ) ( ) ( ) ( ) 猛曰乘船危就橋安聖主不乘危元帝曰晓人不當 耶則知諫之道在于婉矣唯英主必能從諫何者自 德及生人者大 四皓以定惠帝 所謂不諱也近日名臣王石泉居相時子為眉聞王衛尉之言乃曰我不過為樂紂主而相國 從固不可得此所謂計也漢元帝欲御樓船薛 /矣雖 各原 不注 便劉 小惡不諱人言如漢高械繁 故李 **李應俗** 官人名 諫大夫言婢 激主之怒自有其 7 不爲主

不能任此害霸也余竊窺敬仲此對是欲一齊國之政滿 昔管仲對桓公曰宫中之樂無所禁樂不害霸也舉賢 愛子今稻在遠臣之子焉敢相近有以見君子之心亦倉 多定全唐文 卷七百九 司士天后當問日鄉在相位子何遠乎對日廬陵是陛 桓公所以能九合諸侯為五霸之首中代蜀主之任 公之志然則非專任亦不能致霸故一則仲父二則 苻堅之用景界雖關羽不能移樊世不能感蜀與秦皆 管仲害霸論 Y

親不為暗欺忠信參於外雖有盜賊不能為惠矣易 信 欽定全唐文 卷七百九 聖人之道不行豈斯之謂也 其人也近世有以宫中之樂餌其君者而苞苴日行紀 君安國理非專任之效數桓公得敬仲則與隆霸業漢 莊 日壞朋黨盆熾讒言益昌得非竊管仲之術達管仲之道 七君子愛身防患無瑜於慎獨矣能懼顯親日不顯 周稱所謂至智也者有不為大盜積者乎又日跖不得 石顯而反穢明德信任同而理亂異者何也所任用非 愼獨論 李德裕 莫子

有師保 言人不可以不誠矣若乃懷許飾智意思貌親人已見其 向使趙孟未開寢門尚安在席思變許之數無肅敬之容 有眼為德者尚不可以有心眼光為惡者乎 朝不忘恭敬悔受君命至于觸槐所以知其不為患也 面折公孫宏語言李息莊周稱賊莫大於德為有心以 者必激其怒心增其勇氣焉得保其首領哉推是而 而自謂無迹天已奪其魂魄而不寤將亡此汲黯所 如臨父母斯之謂也賊入趙孟之門者親其盛服

禮雄辯不足以服姦臣之心惟能塞諍臣之口昔田蚡為 自 請考工地益宅武帝曰遂取武庫衛将軍言郭解家貧又 夫帝王與羣臣言不在接引古今以節雄辯惟在簡而當 钦定全喜文 卷七百九 人破膽矣余思事六朝弱諧二主文宗辭皆文雅而未嘗 轉辯武宗言必簡要而不能文飾皆得君人之量能盡臣 多枝葉文經意而飾詐矯聖言以蔽聰此乃奸人之雄游 日布衣權至使將軍知此其家不貧殷仲文言音樂好 解宋祖曰吾私恐解此謂簡而當理足使奸臣奪心邪 之解豈惟王言如是人臣亦當然也其有辩若波瀾 李德裕

哉其難干退者以余忖度頗得古人微旨天下善人少惡 志古圖國致霸動必成功而自謀其身猶有所恨況常 說之士焉得謂之獻替哉為臣者當戒於斯慎於斯必不 歲優 游 子曰功成名遂身退天之道也昔余常惑焉自前朝李 罪於天矣 相元中書皆宴安厚味終嬰大戮所以文種 斯 傅亮贊識微而不免此四子者皆神敏知幾聰有稅駕之歎張華願優游而不獲原后華答以 退身論 有藏号之 明 庶廢

當狡獸閉關以待暴客若拾戟開關則寇難立至遲遲 欽定全唐文一卷七百九 竟以失巨浪而懸肆去灌木而掇羅余豈不知身退罹殃 委轡乘流者不可以去檝是以懼 去者以延一日之命庶免終身之禍亦猶奔馬者不可以 而患失矣何以知之余之前在鼎司謝病辭免尋即遠 公鎮于舊楚懇辭將相歸守耶 國自謂在外而安豈知天高不聞身遠受害近者自 必再 同種斯之不去也則知勇退者豈容易哉而陸士 旦去權禍機不測慘政柄以樂怨誹者如荷戟 李德裕 園而行險之人乘隙構 禍而不斷未必皆耽 禄

名哉爰盎曰緩急人所有故善劇孟匿季心汲照好遊 隨 之世斯可以免矣 盘汲照皆豪俠者也若非氣益當世義動明主豈有是 會避郊子以好亂皆保其後矣若小人則禍必及之 不因其次剛毅者有心者亦可矣子文舉子玉以靖則庶可無患故范雅得蔡澤退而不辱虞即得叔孫 逃也終不及乘扁舟變姓名浩然五湖之外不在 不知去勢以求安辭龍以招福斯言過矣惟有遭逢善 豪俠論 間 國

欽定全唐文一卷七百九 是也所利者邪所害者正為梁王殺爰盎者是也此乃盜 者士之任氣而不知義皆可謂之盜矣然士無氣義者為 以其守節死義所以易公孫宏如發蒙耳黯實氣義之兼 其 氣節善灌夫所以知其然也余斯言豈徒妄發楊子所 孟軻之勇類如是夫俠者益非常之人也雖以然諾許 必以節氣為本義非俠不立俠非義不成難兼之矣所 耳焉得謂之俠哉唯鋤魔不賊趙孟承基不忍志寧 不知義者感匹夫之交校君父之命為貫高危漢祖者 執喪盡哀不忍害之也斯為真使矣淮南王憚汲黯承基為承乾賊于志寧斯為真使矣淮南王憚汲號 李德裕

帝王之於英傑當須御之以氣結之以恩然後可使也若 足觀矣 之而肅以體貌則怨不爲用駕馭之術唯漢高祖盡之熟 布歸漢高祖方踞床洗而召布入見布大怒悔來欲自殺 不以英氣折之而龍以姑息則驕不可任若不以恩愛結 師 臣必不能死難求道必不能出世近代房孺復問徑山大 分裂無所顧惜由是而知士之無氣義者雖為桑門亦不 欲習道可得至乎徑山對日學道者惟猛將可也身首 英傑論

欽定全唐文《卷七百九 浮辭足言宜洞 與見道德之人接方正之士不同也不可以繁禮 草菜奇傑其戰關之氣擊刺之才去關張遠矣天實末受 踞洗召之不為薄矣禄山夷狄之譎詐者也非將門英豪 人廣坐侍立終日皆用此道故能成功夫御英傑使 漠而盪葷 見衛青青以大將軍之貴而隸人蓄之此不得不 託不御之權入朝賜宴坐內 粥檢狁也蜀先主與關羽張 御飲食從官如漢 開胸懷令見肝肺氣懾其勇思結其 李德裕 王居布又大喜過望武 殿西序雞障之 飛同卧起 猛 貌 ZŽV 絶 稠

勃可屬大事又日安劉氏者必勃也文帝戒太子曰即 君 至 漢高 盎不拒于劇孟且夫周文有閔天而禦侮宣孟以彌 急亞夫真可任將兵此皆得於氣志之間而後知可 之擇臣士之求友當以志氣為先患難為急漢高以周 孤寄命矣何者人君不能無緩急士君子未當免憂患 此倘 所據果蓄異圖幽陵属階至今為梗葢思甚驕盈 知周勃可託文帝識亞夫可任信陵降志於朱玄 臣 友 以徒隸蓄之豈有斯 論 恨

自 鴒 我 冠 朋 軍而任安不去吳章之敗也門人更名他師而幼孺自 保樂華坐觀顛覆可不痛哉昔衛青之衰也故人多事 友之際本以義合貴盛則相望以力憂患而不拯其危 在原兄弟急難父子兄弟未嘗不以赴急難為仁孝 男緩急非有益也女提紧自傷乃上 則擇臣求友得不先于此乎太倉令淳于公嘆生女 免難孔聖得仲由而不聞惡言宋祖失穆之而謂 舟相值聞其患也則策足先去曰見幾而作不俟終 非注 便幼 鼓稿 不名 書版此 所以可貴也善人良士私可淡水 į, 好息公 一書贖父罪詩曰 稿 相

欽定全唐文 卷七百 此 慮 宰臣及公卿大僚議於内殿其時諫者愈曰太子幼年 E 未至亦曰太子之年足以改過在復移時大暑不出 嘗謂諸子曰吾必不用左右之言以理汝曹何者使 弄父兵罪當笞耳武帝一言而寤蓋以簡而當理 夫明主可以理奪其要在於聞所未聞昔千秋上書言 開成中作鎮淮服聞東宮為人所構天子赫然大怒召 知其危也則奉身而退 人如是曷若識劇孟朱亥哉 天性論 日既明且哲以保其身良士之 魏

必不可用其時無人以此言寤主因問主上太子之過 笑皆外感中寤屈已捨愛可不謂之天性哉惜乎文宗竟 讓今傅准陽元帝聞史丹器人於絲竹鼓擊之間點然 欽定全唐文 卷七百九 李德裕 子如初矣蓋以父子之愛發于天性言之者必當易痛 右君子也必不離人父子之間使左右小人也小人之 子乎是以漢高親四皓上壽悲歌鴻鵠宣帝以元成退 之必寤既寤之後太子必安以余揣之不三數日則父 何人言之者與太子恩愛厚薄何如哉文宗聰明管知 聞是言豈太子之命也數

戾太子立博望苑使通賓客多以異端進者始皆欲招賢 人而天下賢人少小人多賢人難進小人易合難進者鴻 七人科居公吐指丁七而天下歸心惟居公則可何也文 冥易合者膠固矣何以知之劉濞有枚乘鄉陽不用其言 則可稟上聖之姿邪不得入是以好士不為累也漢武為 王之子武王之弟成王之叔父於天下無嫌矣故唯周公 而羊勝公孫詭為其腹心劉安行陰德好文辭雖愛神 而應高田禄伯為其羽翼劉武有鄒陽韓安國不用其謀

次己を与たのとしてん 速乎魏其武安終以權勢相傾自武安之後天子切齒 勢其賓客故人不居顯位似未足為朝廷患也然主父偃 霍 今不復論矣 吕不章習戰國之餘風陳豨值漢網之疎濶 敢為非宰相惟有平津政出一空品覽 以延賢人與參謀議非也然謂之賢人必非黨附朝率交 黃白未害為善終以左吳伍被而敗以是而知雖骨內 将相者矣其時武帝躬親萬機嚴明御下人自守法不 改節則賓客之為害固可知矣公孫宏起客館開東閣 周公聖德皆不可也班固稱四豪者六國之罪人也 李德裕 出 自然無傾奪 衞

安之徒共成禍敗劉班殷鐵之客不相往來又役奸志 謀哉況世秉大政者常不下三四人而輕薄遊相門與柳 平津之賓客不及天子之近臣明矣雖有賓客何益于議 齊列所謀以傾奪為首所議以勢利為先是以魏其武 弓弩吾耶壽王以爲不便上以難丞相丞相詘服則 計者導其邪徑苟合匪人世道愈熾無不由此昔漢武 朔方地肥饒阻河蒙恬築城以逐匈奴滅胡之本公 以為不可朱買臣發十難宏不能得其一又奏人不 粉曰君除吏盡未吾亦欲除吏哀帝責鄭崇曰君 5 欽定全唐文一卷七百九 鼂 欲 無患智足應變道可與權言雖切于人情意常為於禮義 疏 共利而自罹其害謀濶意中言高旨遠其道可法其術則 機 絕賓客則朝廷靜矣 如市何以欲禁切主上皆賓客之害也余謂丞相閉關謝 錯主父偃是也何者切時機明利害皆怨誹所由生享 知謀議之用捨身名之樂辱觀其立論可知也切于時 必有高名而不用於世賈山王陽是也謀議不行故能 明于利害人主易晓當世可行其謀必用而終有後咎 謀議論 李德裕

言信有徵矣凡侍坐于君子聞其言可以知其才術遠近 用此道也 愈密代公常為西北邊將師論四夷事處必精遠則崔之 政事熊公好言文學至於經國遠處意鮮及之與代公言 預熱公代公之戎幕故知三丞相才業甚備曰廣平好言 位余門客崔世叔即宋廣平之維私也原 謀不盡用而身無近憂賈誼是也故當漢文之世亦列高 初若涉川未知其止寥廓廣大莫見津涯味之既深思意 伐國論 犯廟韓世 世叔 又常

滅亡故能為厲矣必生妖美之色蠱惑當世之君使其骨 肉 欽定全唐文、卷七百九 矣今不復論是以晉獻得驪戎佚女太子有雉經之 此史蘇所謂必有女戎妹喜妲已褒姒是也史蘇言之詳 國之餘焉能無怨氣其立基創業之祖宗必皆一 自 其社稷山川之思神當為一 相發以壞於內君臣相疑以敗於外危亡之兆鮮不由 山破城深武取東昏所幸幾至危國隋文嬖陳王之堅於五梁武取東昏所幸幾至危國隋文嬖陳王之 世持堅納慕容娣弟秦官有鳳兮之 得伐國之女以為如未當不致危亡之患者何也亡 李德裕 國之所奉受其血食忿其 ) 謡敗於五將 古 時之英 酷 注原

為全璞之實矣鼓氣以勢此為美勢不可以不息不息則 微之士明于禍福矣 流宕而忘反亦猶絲竹繁奏必有希聲窈眇聽之者悅聞 華矣所以王珪親廬江美人正言納說如王珪者可謂識 氣不可以不貫不貫則雖有英辭麗藻如編珠綴玉不得 奔命吳人始叛楚矣吳嬪至晉世祖怠于為政戎狄乃 魏文典論稱文以氣為主氣之清濁有體斯言盡之矣然 以隕身此皆禍敗之著明者也又夏姬入荆子反疲于 文章論 亂

璧 唯蘇廷碩叙事之外自為文章才實有餘用之不竭沈 たことがに見るようし 病哉此可以言規矩之内不可以言文章外意也較其 如 /獨以音韻為切重輕為難語錐甚工旨則未遠矣夫荆 如千兵萬馬風恬雨霽寂無人聲蓋謂是矣近世誥命 則魏文與王陳應劉討論之矣江南唯于五言為妙 川流迅激必有洄狀逶迤觀之者不厭從兄翰常言文 文長于音韻而謂靈均以來此私未親不亦証人 不能無取隋珠不能無額文旨旣妙高妙豈以音韻 辭高者蓋以言妙而工適情不取于音韻尽注 李德裕 ź. へ甚

無前以至 光景常新此所以為靈物也余書為文箴令載于此離騷摸寫古人何足貴也余日譬諸日月雖終古常 為弊也甚矣世有非文章者曰辭不出于風雅思不越 琴瑟尚于至音令文 物自然 辭財 百韻 篇不拘于隻 故篇無定曲辭寡累句譬諸音樂古詞 繪珍不足貴如彼璞玉磨確成器奢者為 靈氣 用 協祭 **恍惚而來不思而至杼柚** 如絲竹鞞鼓迫于促節 韻文掎有 一有勛安 韻五包三 者韻田韻 今七舉班 之韻信固 則知 得之 淡 犛 如

とことまって ではいり 李徳裕 將至必有異物為此先兆故知遠君子近小人汗澤所 與侮楚之怒伯陽任公孫以成謀社之 國 錯以金翠美質旣雕良實所棄此為文之大旨也 唯異於人者可以懼矣關差 天遺之以賢人國之妻也天與之以亂人是也然此 有敏战廉謹足以從政矣其次愚會撲鄙之人亦不害 知國之隆替時之盛衰察其任臣而已非常之才固 也鶏鴉止於魯郊下展禽之故也鵜鵝集于魏 任臣論 人世 何者陳侯愛郭紹以 夢屠黍稱國之

戴 用管寧之應也是以鸚鴻多分至是文 余嘗覽人物志觀 而 其 鷦巣 做戒哉 修德 以消雉惟之變魏明樂以酣身不免鷹揚之 而 · 張臻悲微禽尚能為害况思之應也是以鳴為來而師乙瞄 原注信不 物志論 西門 佐不及太 其索 豹俱為器能是 以鵬 八管仲商鞅俱為,不隱精微研幾元 人大公人 亦虚鞅 不不御 異于此者昔殷 嘆鵬鳥至 法家是不究其成 妙實天下奇 **比重** 精嚴之迹也 鞅 大 鞅公 鞅 而 可管 賈 與仲

得卷舒之道深識存亡之機曹邱生招權傾金毀譽在 季布以為非長者焉可以此君子哉又曰一人之身兼 得謂之合變乎又願與漢王挑戰漢王笑曰吾寧關智不 怨關中棄成陽而眷懷舊土所謂倒持太阿授人以 用陳平去之然稱羽能合變斯言認矣項羽坑秦卒以結 英雄高祖項羽是也其下雖曰項羽英分少有范增不 生是也樂毅中代之賢人潔去就之分明君臣之義自 也其甚者日辨不入道而應對資給是謂口辨樂毅曹 多識博聞叔向且猶不及故仲尼敬事之西門豹非其

氣 治平之世教化與行羣臣和于朝百姓和于野人自張礪 欽定全唐文 卷七百九 無所是非天下焉有朋黨哉仲長統所謂同異生是非 能 聰明睿知不足稱也 行刺談當世其志在于維持名教斥遠佞邪雖乖大道 力而已矣可謂雄于韓信氣又過之所以能為漢王敵 關力及將敗也自為歌曰力拔山兮氣益世其所恃者 以亂風教寝宴黨錮之士始以議論死物于是危言危 阴黨阴黨致怨除是也東族桓靈之朝政在閣寺 朋黨論 李德裕 紃

當虀粉矣 欽定全唐文、卷七百九 螫 如是者皆小才小勇祗能用詭道入邪徑鼠牙穿屋虺毒 以養交游竊儒家之術以資大盜爾倖臣也所謂教樣 不失正今之朋黨者皆依倚倖臣誣陷君子鼓天下之動 凶之羽翼勇氣者亦盜賊之爪牙誠如是言然辨之未盡 人矣今之朋邪又黨錮之罪人矣仲長統日才智者亦姦 不嗾犬害人穴居城社不可薰鑿漢之黨錮為理世之 人如巨海陰夜百色妖露焉能白日為怪哉大道之行 虚名論 李德裕

官者以望空為高而笑動恪其倚伏虛曠依阿無心者皆 名重海内晉與元成之際同風矣所謂虛曠名重者蓋機 向上 德之士鄉乏不貳之老進仕者以苟得為貴而鄙居正當 亂之機也漢與幽厲之世同風矣干實晉總論曰朝寡全 往 勿從事不敢告勞無罪無辜讒口整整又日分曹為黨往 不撓眾枉勉强以從王事則反見憎毒讒愬故其詩日密 夫與膏肓同病者不可治也與衰亂同風者不可理也劉 羣朋將同心以陷正臣正臣進者治之表也正臣陷者 一書日幽厲之際朝廷不和轉相非怨君子獨處守正

來者以聲價出其口吻人不敢議以此相死自謂保太山 欽定全唐文 卷七百九 李德裕 容矣左右貴俸知所愛之人非宰相之器以此職為發身 之安可以痛心哉 **蛩蛩頁歷之謂哉虛名者以眾多為其羽翼時不敢害** 而 之捷徑取位之要津皆由此汲引以塞訓誇領此職者 , 君不以聚貨制用之臣處將相弼諧之任則好邪無所 **濤魏舒之傳耳後之竊虛名者曾不 靦貌於世未嘗自愧趨之者如飛蛾赴火惟恥不及豈** 食貨 論 得與山魏徒隸 左

之才壽昌習分錄之事宏羊析秋毫之數小人以為能君 天子之財以為之路聚貨者所以得升矣貴操其奇贏乘 非揚雄以權酤與獎稱其職者必皆挾工商之術有良賈 孟獻子有言與其有聚敏之臣寧有盜臣子與以利國為 也故盜用貨泉多張空簿國用日處生人日因揚雄上 有官屬分部以主郡國貴俸得其實路多託買人行吏處 上之急售于有司以取倍利制用者所以得進矣三司皆 言漢武運帑藏之財填廬山之壑今貨入權門甚於是矣 的類牧羊而蓄對養魚而縱賴欲其不侵不暴焉可得

皆有所嗜吹簫撾鼓之 然 慾 可 自古中主以降皆安于近習疎遠忠良其主非不知君 子所以不忍為也小式言天久不兩獨烹宏羊天乃 有仲尼之鳴鼓將攻小式之欲烹致雨而反居相位 甚痛哉 深桓靈之主與小人氣合如水之走下火之就燥皆自 而親結不可解也侯覽張讓所以得蔽君矣元成二 親小人可去而不改者其蔽有二 近倖論 -娱微行沉湎之 好息公 一日性相近二 樂非倖臣無以 日嗜 雨 后 馬

然干古莫及其故何也倖臣不得干政故也後代能如漢 之文武及開元致理之要雖有倖臣亦何害於理哉 頗類近則開元初內有姜較崔滌以極宫中之樂外有 貴者公孫宏倪寬小式此所謂英明也故君聽不感政無 欲 意 欽定全唐文人卷七百九 盧蘇宋以修天下之政得元成之欲享舜禹之名六合晏 釋之爰盎此所謂少欲也武帝雖有韓嫣李延年而 英明者則能反是如文帝雖有鄧通趙談所信者賈誼 非近習無以共歡宏恭石顯所以得盡政矣唯人君少

常勢不可變也昔陳平之思吕宗而計無所出嘗閒居深 然天下之才卿等皆不如也三丞相默然而退余日李訓 開成初余作鎮准甸會有朝之英彦廉問剖符于東南者 欠日からしたというし 念陸賈由戶而進不之覺也買揣知其情言日將相和 言李公石日李訓稟五常之性服人倫之教則不及卿等 相交歡以敗産禄近世五王之誅二張也漢陽王召大 相繼而至余與之讌言皆曰聖上謂丞相鄭公軍李公固 在而愚曾不及于徒隸焉得謂之奇才也自古天下有 稷安矣因為畫策陳平乃寤由是以黃金為絳侯壽將 李德裕

大將軍王駕鶴等結歡共籌陰計而朝恩竟敗夫舉大事 祚遂感慨受命與之定策元載之圖魚朝恩也以崔昭 謂曰今太帝之子深居鶴禁危若級旒將軍豈有意乎多 與之曰太帝與之因謂曰感太帝恩乎多祚准然淚下 軍資產富侈誰人與之日太帝與之將軍子弟榮禄誰 軍李多祚謂日將軍節服隆貴誰人與之日太帝與之 金気白厚ンノメーモナ - 雖職在近密而日夕遊於禁中出 北門無以成功此所謂天下之常勢也李訓因守澄得 州稗昭日請苑中年體以為朝恩羊及開饌因與北 入無碍此時挾守澄

皆禁兵當宿衛宫省何故隨反者乎自旦至食時兵降畧 變未及其亂向使訓計盡行所誅者不過侍從數百 之勢與天子契若魚水北軍諸將望其顧盼與目觀 欽定全唐文 卷七百九 矯詔令張與率營士與陣對陣乃大呼武軍曰實武反汝 已其徒尚數千人與北門協力報怨則天下横流矣何以 訓拾此不用而欲以神州靈臺遊微搏擊之吏抱關擁 知之昔實武之舉事也以五校士數千人屯都亭下中官 之徒以當精甲利兵亦循霜蓬之禦烈火矣賴中人覺其 無異若以中旨諭之購以爵賞即諸將從之勢如風靡 李德裕

秦皇漢武非好道者也始皇擒滅六國無義唐之弟號漢 自湯武以降鮮能及矣豈不悟方士之許哉益以事國旣 周孔之道以為教化用湯武之師以行用伐而英才遠 武剪伐匈奴恢殷周之疆宇皆開闢所未有也雖不能尊 久歡樂已極馳騁弋獵之力疲矣天馬碧雞之求息矣魚 訓猖獗則天下大勢亦不可用也 死嗟乎焚林而畋明年無獸竭澤而漁明年無魚旣經 由是知自前代以來禁軍皆畏伏中官宰臣焉能使其 方士論

遣問耳余嘗覽曹植論言左慈封君達之類家王及植 士為玩亦庶幾黃金可成青霄可上固不在於嗇神鍊形 次足科 生工 长七丁七 李德裕 哉敢自街其術面欺明主者亦鮮矣時既不用逐之可以 身岩穴不求聞達如山鹿野麋是其志也豈樂翹車之 道後王是也余聞武宗之言是以知耳當於便般言及方 矣何以知之首與稱干萬人之情一人之情是也百王之 **界以優笑蓄之耳斯言信矣大抵方士皆習靜者為之** 士皆譎詐不誕不可信也上日吾知之矣宫中無事以 人戲倦矣絲竹鞞鼓之音厭矣以神仙為奇以古 後王法矣 末高宗不誅天竺方士那羅延婆娑寐逐之歸國斯可為殺之非也若以其詐而可誅則公孫卿樂大無非行詐殺